

laburrean

■ EEBBetako Finantza Departamentuak atxiki zion dirua itzuliko dio Mugarik Gabe taldeari

ESTATU BATUETAKO Finantza Departamentuak atxiki zizkion 8.700 dolarrak (1.200.000 pezeta, 48.000 libera inguru) itzuliko dizkio Mugarik Gabe Nafarroako gobernu kanpoko erakundeari, bai eta interesak ere. Diru hori -Nafarroako Gobernuak nazioarteko laguntzarako aurreikusitako aurrekontuetatik lortua- Kuban garapenerako programa bat abian jartzeko bidali zuen Mugarik Gabe erakundeak Habanara, aurretik Miamitik pasatuta. Miamin, ordea, gobernu kanpoko erakundearen dirua atxiki egin zuen Estatu Batuetako Finantza Departamentuak. X

■ Unai Salanueva omendu zuten atzo Iruñeko Txantrea auzoko hainbat taldek

TXANTREAKO hainbat taldek, Unai Salanueva, orain dela urtebete Iruñeko espetxean zendu zen auzoko intsumiso gaztea, omendu zuten atzo eguerdian. Txantreako Beorlegi kaleko Unai Txokoan -gaztearen oroimenez jarri diote izen hori-, Salanuevaren omenez plaka bat jarri eta aurrekua dantzatu zuten. Omenaldia antolatu zuten taldeek, ekitaldiaren bidez «Unairen izpiritua bizirik mantendu eta hark egindako lana gogoratu eta eskertu» nahi dutela agertu zuten. X

■ Arabako guraso elkarten Denon Eskola elkarteak festa egin zuen atzo

DENON ESKOLA Arabako gurasoen elkarten federazioak festa nagusia egin zuen atzo eguerdian Gasteizko Mendizorrotza kiroldegian. Jaiak honako lelo hau izan zuen: *Sasi guztien gainetik, hodei guztien azpitik, euskara gure ametsa, gure ametsak euskaraz*. Festarako propio landutako ikuskaria interaktiboa eskaini zuten. Hilaren 28an Foru plazan amaituko da elkarteak antolatutako ekitaldi zikloa. X

BOB EDME



Herritar baten deiak ohartarazita, eguerdiko 13:00an gerturatu ziren ezbeharra izandako lekura ertzainak, eta ondoren, 15:00etarako, medikuak eta talde judiziala, gorpuak jasotzera.

EDURNE KOCH

Bi mutil gazteren gorpuak aurkitu dituzte Erreterian

Etxola batean izandako sutearen ondorioz hil ziren, keak itota

Garai batean Erreteriarako futbol zelaia zen lekuan, Udalaren etxola batean, 18 eta 19 urteko herriko bi gazte hilda aurkitu zituzten atzo eguerdian. Antza denez, zirkuitulabur batek eragindako su motelaren eraginez hil ziren, keak itota.

Erredakzioa / Donostia

ERRETERIAKO Olibet auzoko Gernika enparantzan, etxola batean, bi gorpu aurkitu zituzten atzo, arratsalde hasieran. Bi mutil gazteren gorpuak ziren, 18 urteko J.V.A. eta 19 urteko M.F.P. erreteriarrenak, Ertzaintzako iturriek jakinarazi zuten.

Arratsaldeko ordu bata inguruan pertsona batek ertzainak ohartarazi zituen. Pertsona hura futbol zelaiko etxola erreta ikusi, su eman zioten sumoa hartu eta bertara gerturatu zen; eta bi gazte lurtean hilik aurkitu zituen. Deia jaso eta berehala bertaratu ziren Ertzaintzakoak eta, ondoren, hiruretarako, medikuak eta talde judiziala, gorpuak jasotzera. Polloera eraman zituzten, eta gaur egingo diete autopsia.

Badirudi zirkuitulabur batek eragindako sutearen ondorioz hil zirela, keak itota. Lurrean ahozpepe zeuden hilotzak, eta hori asfixia sintoma izaten da Ertzaintzako iturrien arabera. Dena den, sutea zerk eragin zuen ikertzen ari ziren atzo arratsaldean artean eta zehatz esaterik ez zuten izan. Horrez gain, etxolan piztutako sutea txikia edo motela izango zela pentsatzen dute, inork ikusi ez baitzuten.

Hasiera batean gazteak goizaldean hil zirela zabaldu zen, baina gazteen familiei abisu ematera joan zirenean jakin zuten ertzainek goizeko zortziak aldera irten zirela bi gazteak nor bere etxetik.

Futbol zelai zaharreko etxola Erreteriarako Udalarena da. Lehen futbolarien aldatokia zen, eta ondorioz barruan hainbat sofa ziren. Antza denez, zirkuitulaburraren ondorioz sofa bat hartu zuen suak. Gazteak maiz sartzen ziren etxola horretara, beren ekintzetarako eta lagunartean egoteko erabiltzen baitzuten. Etxolak bi gela ditu eta horietako batean zeuden bi hilotzak. X



Jende ugari Beñat Arrayeten ehorzketetan

Angeluko San Leon parrokiako eliza txikiagi geratu zen atzo goizean Beñat Arrayet apezaren hiletara etorri ziren lagunak aterpetzeko. Baionako elizbarrutiko ehun bat apez bildu zituen meza emateko, tartean Moleres apezpikua. Parrokiako gazte ugari ere etorri zen azken agurra egiteko apezari. Beñat Arrayet Angeluko San Leon parrokiako apeza ganibet ukaldiz hil zuten joan den astelehenean.

EUSKO JAURLARITZA  GOBIERNO VASCO HEZKUNTZA, UNIBERTSITATE ETA IKERKETA SAILA DEPARTAMENTO DE EDUCACION, UNIVERSIDADES E INVESTIGACION	
IKASTETXE PUBLIKOETAN ORDEZKAPENAK EGITEKO ORDEZKOGAIEN ZERRENDEN IREKIALDIA	
Araudi ezargaria: 1995eko irailaren 13ko Erabakia, Hezkuntza, Unibertsitate eta Ikerketa Sailako Langileriaren Kudeaketa zuzendariarena (1995-10-05eko EHAA).	
Especialitateak:	
Arabako LH: Maisu/Maistrak 2.HE edo baliokideak: Lehen Mailako Hezkuntza Gaztelania eta Literatura Gizarte Zientziak Matematika Arabako LH: IE Alemaniera Frantsesa Grekera Pedagogia Terapeutikoa (ZIG) Nekazaritza Teknologia Irudia eta Hotsaren Teknologia Eraikuntzaren eta Obren Teknologia Ostalaritza eta Turismoaren Teknologia Ileapainketa eta Estetikaren Teknologia Administrazio eta Merkataritzaren Teknologia Administrazio eta Merkataritza Praktika	Elektrizitateko Praktika Automozio Praktika Irudi eta Hotsaren Praktika Eraikuntza eta Obra Tailerra Ileapainketa eta Estetika Tailerra Zura Tailerra Elektronikako Praktika Bizkaiko LH: Maisu/Maistrak 2.HE edo baliokideak: Lehen Mailako Hezkuntza Gaztelania eta Literatura Matematika Gizarte Zientziak Euskara Bizkaiko LH: IE Frantsesa
Eskabideak aurkezteko epea: Otsailaren 16tik zabalik egongo dira zerrendak. Horrez gain, beste espezialitate batzuk irekita jarraitzen dutela gogorarazten da; argibide gehiago jasotzeko, dagokion Hezkuntza Lurralde Ordezkaritzara jo (Arabako telefonoak: 18 72 10 eta 18 72 06, Bizkaikoak: 488 10 94 eta 488 10 95, Gipuzkoakoak: 41 29 10 eta 41 29 11).	

 Gobierno de Navarra Nafarroako Gobernua
EUSKARA IKASTAROK NAFARROAKO ADMINISTRAZIOETAKO LANGILEENTZAT
Hezkuntza eta Kultura Departamentuaren menpeko Hizkuntza Politikako Euskaltegian euskara ikastaro trinkoetarako zein teknikorako izena emateko epea zabalduko da otsailaren 16tik 24ra bitarte. -Ikastaro trinkoak: 5., 10., 11., eta EGA urratsak, 1998ko martxoaren 9tik apirilaren 7ra emanen dira, eta 6., 11., Alfabetatzea eta EGA, berriz, apirilaren 27tik maiatzaren 25era. Ordutegia: 9etatik 15,30etara. Azken urtean edo inoiz hemen ikasi ez dutenentzako mailaketa froga, otsailaren 26an egingen da, goizeko 9,30etan ala arratsaldeko 16,30etan. -Euskara teknika: "Jendeaurreko harrera euskaraz" izeneko ikastaroa antolatu da, egunero lana jendeaurrean egiten duten C, D eta E mailako langileei zuzendua, eta mintzatzearen hobekuntza du helburu. 11. urratsa gaindituta izatea eskatzen da. Ikastaroa apirilaren 21ean hasi eta ekainaren 4ra arte iraunen du (42 ordu). Astean bitan egingen da, astearte eta ostegunak, eguerdiko 12etatik arratsaldeko 15etara. Plaza mugatuak dira eta izen-ematearen ordenari jarraituko zaio. Oharra: Baimenak aurkezteko epea martxoaren 2an bukatuko da. Informazio zabalagoa Euskaltegian (Navarrería, 39), 423319/423321 telefonoetan.

 Bergarako Udala
IRAGARKIA Bergarako Udalak lehiaketa-oposizioa bidez honako hauetarako deia egiten du: -Obra brigadarako elektrikari lan-poltsa osatzera doa. * Instantziak aurkezteko epea: 1998ko martxoaren 6ko 13.00ak baino lehen. -Behin-behineko Udal liburutegi-rako laguntzaile bat. * Instantziak aurkezteko epea: 1998ko otsailaren 23ko eguerdiko 13:00ak baino lehenago. OINARRIAK: Idazkaritzan. <i>Bergaran, 1998ko otsailaren 13an.</i> ALKATEAK.